

Na osnovu člana 57. Zakona o visokom obrazovanju KS (Sl. novine KS 33/17), člana 92. Statuta Univerziteta u Sarajevu, te članova 30 i 62 Pravila Fakulteta islamskih nauka Univerziteta u Sarajevu, Vijeće Fakulteta je na 20. sjednici održanoj 11. aprila 2018. usvojilo:

PRAVILNIK O STRUČNOJ PRAKSI STUDENATA FAKULTETA ISLAMSKIH NAUKA UNIVERZITETA U SARAJEVU

I OPĆE ODREDBE

Član 1. (Predmet Pravilnika)

Pravilnikom o stručnoj praksi (u daljnjem tekstu: praksa) studenata Fakulteta islamskih nauka Univerziteta u Sarajevu (u daljnjem tekstu: Fakultet) uređuju se uvjeti i način obavljanja stručne prakse na prvom i drugom ciklusu studija.

Član 2. (Gramatička terminologija)

(1) Gramatička terminologija kojom se označava muški ili ženski spol u ovom Pravilniku podrazumijeva uključivanje oba spola, osim:

- (a) ako je drugačije izričito navedeno u odgovarajućoj odredbi i
- (b) ako priroda poslova i zadataka koji se obavljaju na praksi (imamsko-hatibski poslovi i sl.) isključuje angažman osoba ženskog spola shodno vjerskim propisima.

Član 3. (Temeljna načela prakse)

Temeljna su načela organiziranja i provođenja prakse osiguranje svrsishodnosti i kvalitete prakse, primjerenost sadržaju i karakteru studija i razini studija, razvijanje opredijeljenosti za misijsko djelovanje, profesionalnost, stručno vođenje i mentoriranje, poštivanje islamskih etičkih normi, kao i etičkih normi nauke i visokog obrazovanja, osobna odgovornost, odgovornost ustanove i mobilnost studenata.

Član 4. (Praksa kao oblik praktičnog osposobljavanja studenata)

Organiziranje i realiziranje prakse predstavlja ispunjavanje zakonske obaveze organizacionih jedinica Univerziteta u Sarajevu da u nastavni proces uključe odgovarajuće praktično osposobljavanje studenata, kao što su: praktikum, rad na terenu, izrada završnih radova kroz saradnju sa poslodavcima i drugi oblici praktičnog osposobljavanja kojima se razvijaju znanja, vještine i kompetencije studenata.

Član 5. (Opći ciljevi prakse)

Kroz praksu studenti se osposobljavaju za budući samostalan i timski rad, primjenu teorijskih znanja u profesionalnom radu i suočavanje sa izazovima rada na terenu.

Član 6.

(Praksa kao obavezan sastavni dio nastave)

- (1) Praksa je obavezan i sastavni dio nastave na prvom i drugom ciklusu studija Fakulteta. Obavljaju je redovni, redovni samofinansirajući i vanredni studenti prvog i drugog ciklusa studijskih programa islamske teologije, islamske vjeronauke i religijske pedagogije, programa za imame, hatibe i mu'allime i drugih programa čiji nastavni planovi i programi predviđaju praksu.
- (2) Redovni i redovni samofinansirajući studenti obavljaju imamsko-mu'allimsku odn. mu'allimsku praksu u mjesecu ramazanu na svim godinama prvog i drugog ciklusa studija.
- (3) Pri organiziranju prakse za vanredne studente vodi se računa o uvjetima vanrednog studija.
- (4) Vanredni studenti koji su angažirani na radnim mjestima na kojima se ostvaruju ciljevi prakse mogu biti oslobođeni obaveze obavljanja prakse odlukom prodekana za nastavu.

Član 7.

(Kategorije stručne prakse studenata Fakulteta)

U okviru studija na Fakultetu realiziraju se tri kategorije stručne prakse studenata:

- (a) Imamsko-mu'allimska praksa u mjesecu ramazanu;
- (b) Metodička praksa i
- (c) Praktikum u ustanovama.

Član 8.

(Vrjednovanje prakse)

- (1) Uspješno realizirana praksa u toku prvog i drugog ciklusa studija vrjednuje se s najmanje 30 ECTS bodova.
- (2) Praksa studenata vrjednuje se ECTS bodovima na **obaveznim** predmetima kako slijedi:

Studijski program islamske teologije (I i II ciklus)		
Imamsko-mu'allimska praksa u mjesecu ramazanu	Metodička praksa	Praktikum u ustanovama/organizacijama
25	4	1

Studijski program islamske vjeronauke i religijske pedagogije (I i II ciklus)		
Imamsko-mu'allimska praksa u mjesecu ramazanu	Metodička praksa	Praktikum u ustanovama/organizacijama
0	15	13

Studijski program za imame, hatibe i mu'allime (I i II ciklus)		
Imamsko-mu'allimska praksa u mjesecu ramazanu	Metodička praksa	Praktikum u ustanovama/organizacijama
25	5	12

- (3) Studenti Studijskog programa islamske vjeronauke i religijske pedagogije mogu ostvariti razliku do 30 ECTS bodova za praksu kroz izborne predmete koji uključuju praktikum.

II IMAMSKO-MU'ALLIMSKA PRAKSA U MJESECU RAMAZANU

Član 9.

(Obaveza obavljanja imamsko-mu'allimske prakse)

Imamsko-mu'allimsku praksu dužni su obavljati studenti Studijskog programa islamske teologije i Studijskog programa za imame, hatibe i mu'allime, s tim da studenti mogu obavljati poslove i zadatke kojima se osposobljavaju za imamsku, hatibsku i mu'allimsku dužnost, a studentice poslove i zadatke kojima se osposobljavaju za mu'allimsku dužnost.

Član 10.

(Komisija za imamsko-mu'allimsku praksu u mjesecu ramazanu)

(1) Radi uspješnog izvođenja imamsko-mu'allimske prakse u mjesecu ramazanu (u daljnjem tekstu: imamsko-mu'allimska praksa), imenuje se stalna Komisija za imamsko-mu'allimsku praksu (u daljnjem tekstu: Komisija) čijim radom rukovodi predsjednik.

(2) Jedan od članova Komisije iz stava 1. ovog člana obavlja poslove sekretara Komisije.

(3) Komisiju čine nastavnici i asistenti na predmetima: Imamet, Hatabet i Da'va.

(4) Članovi Komisije biraju predsjednika i sekretara Komisije na period od dvije godine na prvom sastanku Komisije nakon stupanja na snagu ovog Pravilnika.

Član 11.

(Poslovi i odgovornost Komisije za imamsko-mu'allimsku praksu)

Komisija za svoj rad odgovorna je prodekanu za nastavu, a njene obaveze su:

a) izrada plana realizacije imamsko-mu'allimske prakse za svaku studijsku godinu;

b) komunikacija sa Upravom za vjerske poslove i Upravom za vanjske poslove Rijasetu Islamske zajednice u Bosni i Hercegovini s ciljem osiguranja dovoljnog broja mjesta za obavljanje imamsko-mu'allimske prakse;

c) prijem, analiza i arhiviranje izvještaja o provedenoj imamsko-mu'allimskoj praksi, te sastavljanje godišnjih izvještaja koje dostavlja Studentskoj službi Fakulteta i prodekanu za nastavu;

d) obavljanje drugih poslova s ciljem osiguranja uspješnog izvođenja imamsko-mu'allimske prakse.

Član 12.

(Imamsko-mu'allimska praksa u mjesecu ramazanu u akademskom kalendaru)

(1) Imamsko-mu'allimska praksa u mjesecu ramazanu tretira se kao sastavni dio nastave odgovarajućeg, zimskog ili ljetnog semestra, što se uzima u obzir prilikom izrade akademskog kalendara Fakulteta.

(2) Imamsko-mu'allimska praksa kao praktično osposobljavanje studenata za rad zamjenjuje nastavu u učionici u toku dvije sedmice u odgovarajućem, zimskom ili ljetnom semestru.

Član 13.

(Organizacione jedinice Islamske zajednice u kojima se realizira imamsko-mu'allimska praksa)

(1) Imamsko-mu'allimska praksa realizira se u džematima i teravijih-džematima Islamske zajednice u Bosni i Hercegovini te džematima Bošnjaka u dijaspori koji djeluju u okviru Islamske zajednice u Bosni i Hercegovini (u daljnjem tekstu: IZ u BiH).

(2) S ciljem uspješne organizacije imamsko-mu'allimske prakse Fakultet će potpisati sporazum o saradnji sa nadležnim upravama Rijasetu IZ u BiH: za obrazovanje i nauku, vjerske poslove i vanjske poslove.

Član 14.

(Saradnja na planu organiziranja imamsko-mu'allimske prakse)

Imamsko-mu'allimska praksa provodi se u organizaciji Uprave za vjerske poslove, Uprave za vanjske poslove Rijasetu Islamske zajednice u Bosni i Hercegovini i Fakulteta.

Član 15.

(Mentori imamsko-mu'allimske prakse)

- (1) Radi uspješnog izvođenja imamsko-mu'allimske prakse, imenuju se mentori u medžlisima, odn. džematima kao odgovorne osobe za njezino kvalitetno vođenje.
- (2) Mentor je uposlenik medžlisa (glavni imam ili imam) u kojem student obavlja ramazansku praksu.
- (3) Mentora, na prijedlog Komisije, imenuje Vijeće Fakulteta na osnovu njegovih stručnih kvalifikacija, rezultata u dosadašnjem radu i sklonosti za rad sa studentima.
- (8) Stručna edukacija mentora i dodjeljivanja certifikata za mentorstvo detaljnije će se urediti sporazumom o saradnji iz člana 13.

Član 16.

(Raspoređivanje studenata na imamsko-mu'allimsku praksu)

- (1) Komisija, na osnovu podataka koje joj dostavlja Studentska služba, sastavlja spisak studenata koji obavljaju imamsko-mu'allimsku praksu, i to najkasnije 30 dana prije početka mjeseca ramazana u tekućoj akademskoj godini za studente koji praksu obavljaju u zemlji, odn. najkasnije 6 mjeseci prije početka mjeseca ramazana u tekućoj akademskoj godini za studente koji praksu obavljaju u inozemstvu, te isti dostaviti Upravi za vjerske poslove, odn. Upravi za vanjske poslove Rijasetu.¹
- (2) Studenti su dužni ispoštovati rješenje Uprave za vjerske poslove, odn. Uprave za vanjske poslove o mjestu, medžlisu i džematu u koji su raspoređeni za obavljanje ramazanske prakse.
- (3) Kao izuzetak od odredbe stava (2) ovog člana, studenti završne godine prvog ciklusa studija i studenti drugog ciklusa studija mogu podnijeti Upravi za vjerske poslove, odn. Upravi za vanjske poslove prijedlog o ugovorenom mjestu (medžlisu i džematu) obavljanja imamsko-mu'allimske prakse, dok konačnu odluku o tome donosi nadležna uprava.
- (4) Prilikom raspoređivanja studenata na imamsko-mu'allimsku praksu, Uprava za vjerske poslove i Uprava za vanjske poslove vodit će računa da, u pravilu, student ne obavlja više od jedne prakse u istom džematu te da jednu praksu realizira u jednom od povratničkih džemata u entitetu Republika Srpska i jednom od džemata bošnjačke dijaspore, ukoliko to korespondira stvarnim potrebama i mogućnostima na terenu.
- (5) S ciljem realizacije odredbe iz stava 4. ovog člana, Komisija će prilikom sastavljanja spiska iz stava 1. ovog člana naznačiti u kojim džematima/medžlisima je student na prethodnim godinama studija obavljao imamsko-mu'allimsku praksu.
- (6) Uprava za vjerske poslove i Uprava za vanjske poslove dužne su obrazac sa spiskom studenata iz stava 1. ovog člana dopuniti podacima o muftijstvu, medžlisu i džematu u koji je student raspoređen na imamsko-mu'allimsku praksu te isti dostaviti Fakultetu odmah po izvršenom rasporedu studenata.
- (7) Komisija će, po prijemu obrasca sa spiskom studenata iz stava 6. ovog člana isti dopuniti podacima o mentorima imamsko-mu'allimske prakse te isti obavezno objaviti na web stranici i oglasnim pločama Fakulteta.

Član 17.

(Obaveze studenata u odnosu na imamsko-mu'allimsku praksu)

- (1) Student je obavezan odmah nakon prijema rješenja nadležne Uprave Rijasetu, podnijeti prijavu za obavljanje imamsko-mu'allimske prakse sekretaru Komisije na posebnom obrascu.²

¹ V. Prilog 1 Spisak studenata koji obavljaju imamsko-mu'allimsku/ mu'allimsku praksu u mjesecu ramazanu.

² V. Prilog 2 Prijava na imamsko-mu'allimsku/ mu'allimsku praksu u mjesecu ramazanu.

- (2) Na osnovu zaprimljenih prijava, sekretar Komisije dopunjava spisak iz prethodnog člana podacima o studentima koji su prijavili obavljanje imamsko-mu'allimske prakse za potrebe evidencije prakse i rada Komisije.
- (3) Uprava za vjerske poslove i Uprava za vanjske poslove dužne su blagovremeno obavijestiti medžlise o rasporedu studenata koji će kod njih obavljati imamsko-mu'allimsku praksu.
- (4) Student je obavezan prijaviti se medžlisi u koji je raspoređen na imamsko-mu'allimsku praksu najkasnije posljednjeg dana mjeseca ša'bana, odn. dan uoči početka mjeseca ramazana.
- (5) Student je dužan za vrijeme imamsko-mu'allimske prakse voditi „Dnevnik imamsko-mu'allimske prakse u mjesecu ramazanu“ u koji treba upisivati: datume, mjesto i radne zadatke koji su obuhvaćeni praksom.
- (6) Obrazac „Dnevnika imamsko-mu'allimske prakse u mjesecu ramazanu“ osmišljava Komisija i objavljuje na web stranici Fakulteta.
- (7) Student je dužan u toku trajanja imamsko-mu'allimske prakse uredno i savjesno izvršavati radne zadatke koje mu povjeri mentor.
- (8) Student je dužan u roku od 15 dana od završetka imamsko-mu'allimske prakse predati sekretaru Komisije „Dnevnik imamsko-mu'allimske prakse“, „Potvrdu o obavljenoj imamsko-mu'allimskoj praksi“,³ „Izveštaj/evaluaciju mentora o obavljenoj imamsko-mu'allimskoj praksi“ i „Studentovu evaluaciju medžlisa IZ/ustanove/organizacije“.⁴
- (9) Obrazac Izveštaja/evaluacije mentora o obavljenoj imamsko-mu'allimskoj praksi iz stava 8. ovog člana osmišljava Komisija i objavljuje na web stranici Fakulteta.
- (10) Obrazac Izveštaja/evaluacije mentora o obavljenoj imamsko-mu'allimskoj praksi iz stava 8. ovog člana obavezno sadrži ocjenu da li se student u tumačenju vjere i prakticiranju vjerskih obreda (*ibadat*) pridržavao Ustava Islamske zajednice u Bosni i Hercegovini i fetvi reisu-l-uleme i Vijeća muftija.
- (11) Svi obrasci iz stava 8. ovog člana čuvaju se u dosijeu studenta.

Član 18.

(Uloga mentora imamsko-mu'allimske prakse)

Mentor (glavni imam ili imam) osigurava kvalitetno izvođenje imamsko-mu'allimske prakse. On ga nadzire i vodi u radu, daje upute i pruža svaku drugu pomoć te ga potiče da kvalitetno, samostalno ili u timu obavlja određene poslove. Više studenata može imati jednog mentora, zavisno o zadacima koje trebaju obaviti.

Član 19.

(Ponavljjanje i nadoknada neobavljene imamsko-mu'allimske prakse)

- (1) Neuspješno obavljenu imamsko-mu'allimsku praksu student treba ponoviti sljedeće akademske godine.
- (2) Ukoliko student ne obavi imamsko-mu'allimske praksu, dužan je to uraditi u sljedećoj akademskoj godini.
- (3) U izuzetno opravdanim slučajevima prodekan za nastavu može odobriti obavljanje imamsko-mu'allimske u drugom vremenskom okviru, izvan mjeseca ramazana.

Član 20.

(Usklađenost imamsko-mu'allimske prakse sa nivoom studija)

U skladu s načelom primjerenosti, imamsko-mu'allimske praksa koju student obavlja u mora biti usklađena sa znanjima koje je stekao na određenom stepenu studija.

Član 21.

(Stepenovanje angažmana studenata u okviru imamsko-mu'allimske prakse)

- (1) Studenti prve i druge godine prvog ciklusa studija u pravilu se angažiraju kao pomoćnici radno angažiranih imama, hatiba i mu'allima.

³ Prilog 3 Potvrda o obavljenoj imamsko-mu'allimskoj/ mu'allimskoj praksi u mjesecu ramazanu.

⁴ Prilog 4 Evaluacija medžlisa od strane studenta praktikanta/ studentice praktikantice

(2) Studenti treće i četvrte godine prvog ciklusa studija te studenti drugog ciklusa studija mogu samostalno obavljati imamske, hatibske i mu'allimske dužnosti u džematima i teravih- džematima koji nemaju stalnih imama, ali pod mentorskim nadzorom.

Član 22.

(Poslovi i zadaci na imamsko-mu'allimskoj praksi)

Poslovi i zadaci koje student praktikant obavlja u toku imamsko-mu'allimske prakse obuhvataju:

- a) predvođenje namaza u džematu;
- b) mujezinjenje;
- c) učenje mukabela;
- d) učešće u pripremi i/ili kazivanje hutbi;
- e) učešće u pripremi i/ili držanje vazova i predavanja za džemat u cjelini ili pojedine ciljne grupe, kao što su omladina, žene i sl.;
- f) praćenje ili držanje časova mektebske nastave;
- g) obavljanje drugih segmenata imamskog rada;
- h) organiziranje džematskih iftara i ramazanskih manifestacija;
- i) ispomaganje imamima u drugim poslovima u toku ramazana i dr.

Član 23.

(Plan i program imamsko-mu'allimske prakse)

(1) Plan i program imamsko-mu'allimske prakse za svaku pojedinu godinu studija dužna je, u roku od 180 dana od dana usvajanja ovog Pravilnika na sjednici Vijeća, uraditi posebna komisija koju čine: prodekan za nastavu, članovi Komisije, te profesori predmeta iz oblasti kiraeta, religijske psihologije i fikha.

(2) Plan iz stava (1) ovog člana usvaja Vijeće Fakulteta u roku od 30 dana od njegovog dostavljanja od strane komisije iz stava (1) ovog člana.

Član 24.

(Vrjednovanje imamsko-mu'allimske prakse ECTS bodovima)

(1) Imamsko-mu'allimska praksa studenata Studijskog programa islamske teologije vrjednuje se ECTS bodovima kako slijedi:

Br.	Nastavni predmeti: Islamsko vođstvo i govorništvo (Imamet i hatabet), Islamsko djelovanje (Da'va)	Broj sati pripreme studenta za imamsko-mu'allimsku praksu	Broj sati realizacije imamsko-mu'allimske prakse	Broj ECTS bodova
1.	I godina I ciklusa	30	95	5
2.	II godina I ciklusa	30	95	5
3.	III godina I ciklusa	30	95	5
4.	IV godina I ciklusa	30	95	5
5.	Master u islamskim naukama	30	95	5
Ukupno:				25 ECTS

(2) Imamsko-mu'allimska praksa studenata Studijskog programa za imame, hatibe i mu'allime vrjednuje se ECTS bodovima kako slijedi:

Br.	Nastavni predmeti: Imamet, Hatabet i vaz, Da'va – islamska misija	Broj sati pripreme studenta za imamsko-mu'allimsku praksu	Broj sati realizacije imamsko-mu'allimske prakse	Broj ECTS bodova
1.	I godina I ciklusa	30	95	5
2.	II godina I ciklusa	30	95	5
3.	III godina I ciklusa	30	95	5
4.	I godina II ciklusa (Master za imame)	30	95	5
5.	II godina II ciklusa (Master za imame)	30	95	5
Ukupno:				25 ECTS

III METODIČKA PRAKSA STUDENATA U PREDŠKOLSKIM USTANOVAMA, ŠKOLAMA I MEKTEBIMA

Član 25.

(Predmeti u okviru kojih se obavlja metodička praksa)

Metodičku praksu studenti obavljaju kao obavezan sastavni dio predmeta:

- Didaktika sa metodikom vjerske nastave (na prvom ciklusu Studijskog programa islamske teologije),
- Metodika vjerske nastave I i Metodika vjerske nastave II (na prvom ciklusu Studijskog programa islamske vjeronauke i religijske pedagogije),
- Metodika mektepske nastave I (na prvom ciklusu Studijskog programa za imame, hatibe i mu'allime),
- Kreativnost u vjerskoj nastavi (na Masteru u islamskim naukama) i
- Metodika mektepske nastave II (na Masteru za imame).

Član 26.

(Ustanove u kojima se obavljanja metodička praksa)

Metodička praksa realizira se u javnim predškolskim ustanovama, osnovnim i srednjim školama, te mektebima.

Član 27.

(Saradnja na planu organiziranja metodičke prakse)

- Pri organiziranju i realiziranju metodičke prakse Fakultet ostvaruje saradnju sa Ministarstvo obrazovanja Kantona Sarajevo (KS), direktorima i pedagogima predškolskih ustanova, nastavnicima islamske vjeronauke, Medžlisom Islamske zajednice Sarajevo i mu'allimima u mektebima.
- Fakultet na početku svake akademske godine podnosi zahtjev Ministarstvu obrazovanja KS za izdavanje saglasnosti za realiziranje metodičke prakse u određenim predškolskim ustanovama i školama, a na temelju prethodnog dogovora sa direktorima datih odgojnobrazovnih ustanova.
- Ministarstvo obrazovanja KS saglasnost dostavlja Fakultetu koji je prosljeđuje odgojnoobrazovnoj ustanovi na koju se odnosi.
- Fakultet podnosi zahtjev Medžlisu Islamske zajednice Sarajevo za izdavanje saglasnosti o realiziranju metodičke prakse u određenim mektebima, a na osnovu prethodnog dogovora sa mu'allimima datih mekteba.

(5) Medžlis Islamske zajednice Sarajevo saglasnost dostavlja Fakultetu koji je prosljeđuje mu'allimu mekteba na koji se odnosi.

Član 28.
(Obaveze metodičara)

Nastavnik predmeta iz člana 25. (u daljnjem tekstu: metodičar) ima obavezu da:

- a) organizira metodičku praksu u predškolskim ustanovama, školama i mektebima,
- b) vodi studente u izradi nastavnih priprema i
- c) prati i ocjenjuje ogledne časove studenata u predškolskim ustanovama, školama i mektebima.

Član 29.
(Raspoređivanje studenata na metodičku praksu)

Studente na metodičku praksu raspoređuje metodičar, i to u predškolske ustanove, škole i mektebe za koje Fakultet ima saglasnost Ministarstva obrazovanja KS, odn. Medžlisa Islamske zajednice Sarajevo za reliziranje prakse.

Član 30.
(Mentori metodičke prakse)

(1) Fakultet predlaže nastavnike islamske vjeronauke uposlene u predškolskim i školskim ustanovama, odn. mu'allime u mektebima za koje se zahtijeva saglasnost iz člana 27. koji će obavljati dužnost mentora metodičke prakse.

(2) Obaveze mentora metodičke prakse jesu da:

- a) izvede časove hospitacije koje prate studenti,
- b) studente upozna sa praktičnim aspektima nastave i
- c) pokaže nastavna umijeća u izvođenju časova.

(3) Časove hospitacije i upute studentima mentor drži grupama od deset (10) do petnaest (15) studenata, zavisno od prostornih kapaciteta učionica u školama i mektebima.

(4) Fakultet može, u saradnji sa predškolskim ustanovama, osnovnim i srednjim školama, odn. medžlisima u kojima se realizira metodička praksa, organizirati stručnu edukaciju mentora.

Član 31.
(Obaveze studenata na metodičkoj praksi)

(1) Obaveze studenata u pogledu metodičke prakse su:

- a) pohađanje propisanih časova predavanja i vježbi na Fakultetu,
- a) hospitacija časova islamske vjeronauke, odn. mektepske nastave koje izvede nastavnik islamske vjeronauke, odn. mu'allim,
- b) izrada pisane nastave pripreme za ogledni čas islamske vjeronauke, odn. mektepske nastave,
- c) izvođenje oglednog časa islamske vjeronauke, odn. mektepske nastave i
- d) pisanje Dnevnika metodičke prakse i prilaganje portfolija.

(2) Studenti prvog ciklusa Studijskog programa islamske teologije obavezni su hospitirati deset (10) časova islamske vjeronauke u osnovnoj i srednjoj školi, te pet (5) časova mektepske nastave i održati jedan (1) čas mektepske nastave.

(3) Studenti prvog ciklusa Studijskog programa islamske vjeronauke i religijske pedagogije obavezni su:

- a) u okviru Metodike vjerske nastave I hospitirati ukupno devet (9) časova islamske vjeronauke, i to: tri (3) časa u predškolskim ustanovama, tri (3) časa u osnovnim i tri (3) časa u srednjim školama, te izvesti ukupno dva (2) časa islamske vjeronauke,
- b) u okviru Metodike vjerske nastave II hospitirati ukupno dvadeset četiri (24) časa islamske vjeronauke, odn. vjerskog odgoja, i to: osam (8) časova u predškolskim ustanovama, osam (8) časova u osnovnim i osam (8) časova u srednjim školama, te izvesti ukupno tri (3) časa, i to jedan (1) čas vjerskog odgoja u

predškolskim ustanovama, jedan (1) čas islamske vjeronauke u osnovnim školama i jedan (1) čas islamske vjeronauke u srednjim školama.

(4) Studenti prvog ciklusa Studijskog programa za imame, hatibe i mu'allime obavezni su hospitirati deset (10) časova islamske vjeronauke u školama i pet (5) časova mektepske nastave, te izvesti jedan (1) čas mektepske nastave.

(5) Studenti upisani na predmet Kreativnost u vjerskoj nastavi na Masteru u islamskim naukama obavezni su hospitirati ukupno dvanaest (12) časova, i to četiri (4) časa vjerskog odgoja u predškolskoj ustanovi, četiri (4) časa islamske vjeronauke u osnovnoj i četiri (4) časa islamske vjeronauke u srednjoj školi, te izvesti ukupno šest (6) časova, i to dva (2) časa vjerskog odgoja u predškolskoj ustanovi, dva (2) časa islamske vjeronauke u osnovnoj i dva (2) časa islamske vjeronauke u srednjoj školi.

(6) Studenti Mastera za imame obavezni su hospitirati ukupno devet (9) časova, i to dva (2) časa islamske vjeronauke u osnovnoj i dva (2) časa islamske vjeronauke u srednjoj školi, te pet (5) časova mektepske nastave, te izvesti dva (2) časa mektepske nastave.

(7) Dnevnik metodičke prakse osmišljava predmetni nastavnik/metodičar i objavljuje na web stranici Fakulteta na početku svake akademske godine.

Član 32.

(Vrjednovanje metodičke prakse i izvještaj o oglednim časovima)

(1) Metodičku praksu vrjednuje metodičar, s tim da i mentor može predlagati ocjenu.

(2) Metodička praksa vrjednuje se na posebnom obrascu kojeg osmišljava metodičar.

(3) Izvještaj o položenim oglednim časovima metodičar dostavlja Studentskoj službi Fakulteta, direktoru predškolske, odn. školske ustanove, nastavniku islamske vjeronauke, odn. mu'allimu.

Član 33.

(Metodička praksa kao uslov za polaganje ispita)

Uspješno obavljena metodička praksa uslov je za izlazak redovnih studenata na završni ispit iz predmeta čiji nastavni program predviđa datu praksu.

Član 34.

(Odsustvo s metodičke prakse i ponavljanje neuspješne metodičke prakse)

(1) Ako je student s opravdanim razlogom (bolest, odobreno odsustvo od dekana ili Vijeća Fakulteta, smrtni slučaj u bližoj porodici i sl.) odsustvovao sa metodičke prakse (časovi hospitacije, ogledni čas), omogućit će mu se, uz pristanak mentora, nadoknada propuštene prakse.

(2) Ako je student bez opravdanog razloga odsustvovao sa metodičke prakse, nema pravu na nadoknadu iste, osim kada obnovi upis u predmet naredne akademske godine.

(3) Ako student nije uspješno obavio metodičku praksu, omogućit će mu se jedna prilika u toku akademske godine da istu popravi.

(4) Studentu koji je zbog nepoloženog teorijskog dijela ispita obnovio upis u predmet koji predviđa metodičku praksu, priznaje se uspješno obavljenja metodička praksa iz prethodne akademske godine.

Član 35.

(Vrjednovanje metodičke prakse ECTS bodovima)

(1) Metodička praksa studenata Studijskog programa islamske teologije vrjednuje se ECTS bodovima kako slijedi:

B r.	Nastavni predmet: Didaktika sa metodikom vjerske nastave	Broj sati hospita-cije u školi/mektebu	Broj individual-nih kontakt-sati sa pred-metnim Nastavni-kom/ Metodiča-rem	Broj sati rada na pripremi nastav-nog sata	Broj praktično održanih sati nastave u školi/mektebu	Broj predava-nja	Broj vježbi	Ukupno sati optere-ćenja studenta Prakti-kanta	Broj ECTS bodo-va
1	I godina I ciklusa	-	-	-	-	-	-	-	-
2	II godina I ciklusa	-	-	-	-	-	-	-	-
3	III godina I ciklusa	-	-	-	-	-	-	-	-
4	IV godina I ciklusa	15	5	10	1	30	30	91	4
5	Master u islamskim naukama	-	-	-	-	-	-	-	-
Ukupno:								4 ECTS	

(2) Metodička praksa studenata Studijskog programa islamske vjeronauke i religijske pedagogije vrjednuje se ECTS bodovima kako slijedi:

B r.	Nastavni predmeti: Metodika vjerske nastave I, Metodika vjerske nastave II, Kreativ-nost u vjerskoj nastavi	Broj sati hospita-cije u školi/mektebu	Broj individual-nih kontakt-sati sa pred-metnim Nastavni-kom/ Metodiča-rem	Broj sati rada na pripremi nastav-nog sata	Broj praktično održanih sati nastave u školi/mektebu	Broj predava-nja	Broj vježbi	Ukupno sati optere-ćenja studenta Prakti-kanta	Broj ECTS bodo-va
1	I godina I ciklusa	-	-	-	-	-	-	-	-
2	II godina I ciklusa	-	-	-	-	-	-	-	-
3	III godina I ciklusa	-	-	-	-	-	-	-	-
4	IV godina I ciklusa	33	25	50	5	60	60	233	10
5	Master u islamski m	12	24	48	6	30	15	135	5

naukama
Ukupno:

15 ECTS

(3) Metodička praksa studenata Studijskog programa za imame, hatibe i mu'allime vrijeduje se ECTS bodovima kako slijedi:

B r.	Nastavni predmet: Metodika mektepske nastave I, Metodika mektepske nastave II	Broj sati hospita-cije u školi/ mektebu	Broj individual-nih kontakt-sati sa pred-metnim Nastavni-kom/ Metodiča-rem	Broj sati rada na pripremi nastav-nog sata	Broj praktično održanih sati nastave u školi/ mektebu	Broj predava-nja	Broj vježbi	Ukupno sati optere-ćenja studenta Prakti-kanta	Broj ECTS bodo-va
1	I godina I ciklusa	-	-	-	-	-	-	-	-
2	II godina I ciklusa	-	-	-	-	-	-	-	-
3	III godina I ciklusa	15	5	10	1	30	30	91	3
4	IV godina I ciklusa	-	-	-	-	-	-	-	-
5	Master za imame	9	3	8	2	30	15	67	2
Ukupno:								5 ECTS	

III PRAKTIKUM U DRUGIM USTANOVAMA I ORGANIZACIJAMA

Član 36.

(Obaveza realizacije praktikuma)

(1) Studenti Mastera za imame obavezni su realizirati stručnu praksu u vidu praktikuma u ustanovama/organizacijama (u daljnjem tekstu: praktikum) kao sastavni dio nastave predmeta čiji nastavni programi predviđaju praksu i

(2) Praktikum se vrijeduje ECTS bodovima, u okviru ukupnog broja ECTS bodova koje predmet nosi.

Član 37.

(Ustanove u kojima se realizira praktikum)

Realizacija praktikuma vrši se u:

- zdravstvenim ustanovama,
- studentskim domovima ili u okviru projekata za mlade,
- školama za djecu sa posebnim potrebama ili redovnim školama koje realiziraju program inkluzije djece sa posebnim potrebama,
- organizacionih jedinica i organa Islamske zajednice u Bosni i Hercegovini ili nevladinih islamskih organizacija,
- porodičnim savjetovalištima,
- elektronskim ili printanim medijima,
- Oružanim snagama BiH,
- korektivnim ustanovama,

- i) okviru projekata međureligijskog dijaloga,
- j) osnovnim i srednjim školama i sl.

Član 38.

(Sporazumi o saradnji na planu organizacije praktikuma)

(1) Fakultet će zaključiti sporazume o saradnji sa ustanovama/organizacijama u kojima postoje uslovi za obavljanje stručne prakse.

(2) Inicijativu za sklapanje sporazuma iz stava 1. ovog člana podnose nastavnici predmeta koji uključuju praktikum.

Član 39.

(Imenovanje mentora praktikuma)

(1) Radi uspješnog izvođenja praktikuma, imenuju se mentori – stručnjaci iz prakse kao odgovorne osobe za njezino kvalitetno vođenje.

(2) Mentor može biti (a) imam/islamski dušebrižnik koji je angažiran u punom ili nepunom radnom vremenu u ustanovi/organizaciji u kojoj se realizira praktikum ili drugi (b) uposlenik ustanove/organizacije u kojoj se realizira praktikum.

(3) Mentora imenuje Vijeće Fakulteta na osnovu njegovih stručnih kvalifikacija, rezultata u dosadašnjem radu i sklonosti za rad sa studentima, a uz prethodne konsultacije nastavnika predmeta koji uključuje praktikum sa ustanovom/organizacijom.

(4) Fakultet može u saradnji sa ustanovama/organizacijama za realiziranje praktikuma organizirati stručnu edukaciju za mentore.

Član 40.

(Obaveze mentora praktikuma)

(1) Obaveze mentora – stručnjaka iz prakse su:

a) da omogući studentima da izravno prate izvođenje radnih zadataka i poslova koji korespondiraju sadržaju predmeta u okviru kojeg obavljaju praktikum,

b) da studente uvede u različite situacije na radnom mjestu kako bi stekli neophodna iskustva za budući profesionalni angažman,

c) da na temelju ciljanog protokola posmatranja vrjednuje rad studenta u okviru praktikuma.

(2) Protokol posmatranja iz stava (1) ovog člana osmišljava predmetni nastavnik u saradnji sa mentorima – stručnjacima iz prakse i obavezno ga objavljuje na web stranici Fakulteta.

Član 41.

(Raspoređivanje studenata na praktikum)

(1) Raspored studenata na praktikum vrše nastavnici predmeta koji uključuju praktikum.

(2) Studenti mogu sami predlagati ustanovu/organizaciju u kojoj će realizirati praktikum, ali konačnu odluku o tome donosi nastavnik.

Član 42.

(Obaveze nastavnika predmeta iz kojeg se realizira praktikum)

Obaveze nastavnika predmeta koji uključuje praktikum su:

a) organiziranje praktikuma,

b) priprema studenata za praktikum,

c) opći nadzor nad aktivnostima studenata u okviru praktikuma.

Član 43.
(Obaveze studenata na praktikumu)

(1) Obaveze studenata praktikanata jesu:

- a) priprema za praktikum u skladu sa uputama predmetnog nastavnika,
- b) realizacija poslova i zadataka koje praktikum predviđa u skladu sa uputama predmetnog nastavnika i mentora i
- c) vođenje Dnevnika praktikuma.

(2) Obrazac Dnevnika iz stava (1) ovog člana osmišljava predmetni nastavnik i i obavezno ga objavljuje na web stranici Fakulteta.

Član 44.
(Vrjednovanje praktikuma)

(1) Praktikum vrjednuju predmetni nastavnik i mentor – stručnjak iz prakse na posebnom obrascu.

(2) Obrazac iz stava (1) ovog člana osmišljava predmetni nastavnik u saradnji sa mentorima – stručnjacima iz prakse.

(3) Izvještaj o realiziranom praktikumu predmetni nastavnik dostavlja Studentskoj službi Fakulteta i rukovodiocu ustanove/organizacije u kojoj je student realizirao isti.

Član 45.
(Nadoknada i ponavljanje praktikuma)

(1) Ako je student s opravdanim razlogom (bolest, odobreno odsustvo od dekana ili Vijeća Fakulteta, smrtni slučaj u bližoj porodici i sl.) odsustvovao sa praktikuma, omogućit će mu se, uz pristanak mentora, nadoknada istog.

(2) Ako je student bez opravdanog razloga odsustvovao sa praktikuma, nema pravo na nadoknadu istog, osim kada obnovi upis u predmet naredne akademske godine.

(3) Ako student nije uspješno obavio praktikum, omogućit će mu se jedna prilika u toku akademske godine da isti popravi.

(4) Studentu koji je zbog nepoloženog teorijskog dijela ispita obnovio upis u predmet koji predviđa praktikum, priznaje se uspješno obavljen praktikum iz prethodne akademske godine.

Član 46.
(Vrjednovanje praktikuma ECTS bodovima)

(1) Praktikum studenata Studijskog programa islamske teologije na **obaveznim** predmetima vrjednuje se ECTS bodovima kako slijedi:

Prvi ciklus					
Br.	Predmet	Praktikum	Broj sati pripreme za praktikum	Broj sati realizacije praktikuma	Broj ECTS bodova
1.	Da'va	Volontiranje u socijalnim i humanitarnim projektima i sl.	5	20	1
Ukupno:				1 ECTS	

(2) Praktikum studenata Studijskog programa islamske teologije na **izbornim** predmetima vrjednuje se ECTS bodovima kako slijedi:

Prvi ciklus					
Br.	Predmet	Praktikum	Broj sati pripreme za praktikum	Broj sati realizacije praktikuma	Broj ECTS bodova
1.	Domski odgoj	Praktikum u studentskim domovima, domovima medresa, domovima za siročad, staračkim domovima	20	7	1
Ukupno:				1 ECTS	

(3) Praktikum studenata Studijskog programa islamske vjeronauke i religijske pedagogije na **obaveznim** predmetima vrjednuje se ECTS bodovima kako slijedi:

Prvi ciklus					
Br.	Predmet	Praktikum	Broj sati pripreme za praktikum	Broj sati realizacije praktikuma	Broj ECTS bodova
1.	Učenje i podučavanje u predškolskom odgoju	Praktikum u predškolskim ustanovama	40	15	2
2.	Porodični odgoj	Praktikum u porodičnim savjetovalištim i centrima za socijalni rad	75	25	4
3.	Socijalna pedagogija	Praktikum u domovima za siročad, staračkim domovima, centrima za treću životnu dob, ustanovama za preodgoj maloljetnih prijestupnika i delinkvenata, komunama za odvikavanje od ovisnosti, centrima za socijalni rad i dr.	60	20	3
4.	Metodika religijskog odgoja	Praktikum u medresama	75	25	4
Ukupno:				13 ECTS	

(4) Praktikum studenata Studijskog programa islamske vjeronauke i religijske pedagogije na **izbornim** predmetima vrijednuje se ECTS bodovima kako slijedi:

Prvi ciklus					
Br.	Predmet	Praktikum	Broj sati pripreme za praktikum	Broj sati realizacije praktikuma	Broj ECTS bodova
1.	Domski odgoj	Praktikum u studentskim domovima, domovima medresa, domovima za siročad, staračkim domovima	40	15	2
Ukupno:				2 ECTS	

(5) Praktikum studenata Studijskog programa za imame, hatibe i mu'allime na **obaveznim** predmetima vrijednuje se ECTS bodovima kako slijedi:

Br.	Predmet	Broj sati nastave/ studijskih posjeta	Broj sati analize studijskih posjeta	Broj sati izrade projekta	Broj sati čitanja literature i pripreme za ispit	Broj ECTS bodova
1.	Imam i društvo: praktikum	60	10	25	30	5

Drugi ciklus (Master za imame)

Br.	Predmet	Praktikum	Broj sati pripreme studenta za praktikum	Broj sati realizacije praktikuma	Broj ECTS bodova
1.	Rad imama sa omladinom i osobama sa posebnim potrebama	3.7.4. Praktikum u studentskim domovima i projektima za mlade	2	3	0,2
2.	Rad imama sa omladinom i osobama sa posebnim potrebama	3.7.5. Praktikum u školama za djecu s posebnim potrebama	2	3	0,2
3.	Upravljanje projektima	3.7.6. Učešće u projektima/realizacija projekata u okviru organizacionih jedinica i organa Islamske zajednice i nevladinim organizacijama,	15	15	1,2

4.	Savremeno komuniciranje	primarno onima islamskog karaktera 3.7.8. Praktični rad pri elektronskim i printanim medijima	15	15	1,2
5.	Islamsko dušebrižništvo: praktikum	3.7.3. Praktikum u zdravstvenim i korektivnim ustanovama	55	45	4
Ukupno:					7 ECTS

(6) Praktikum studenata Studijskog programa za imame, hatibe i mu'allime na **izbornim** predmetima vrjednuje se ECTS bodovima kako slijedi:

Drugi ciklus (Master imameta)					
Br.	Predmet	Praktikum	Broj sati pripreme studenta za praktikum	Broj sati realizacije praktikuma	Broj ECTS bodova
1.	Služba imama u vojsci	3.7.9. Praktikum u Oružanim snagama BiH	10	10	0,8
2.	Porodično savjetovanje	3.7.7. Praktikum u porodičnim savjetovaništima	4	4	0,3
3.	Socijalna pedagogija	Praktikum u domovima za siročad, staračkim domovima, centrima za treću životnu dob, ustanovama za preodgoj maloljetnih prijestupnika i delinkvenata, komunama za odvikavanje od ovisnosti, centrima za socijalni rad i dr.	40	15	2
4.	Teologija međureligijskog dijaloga	3.7.10. Praktikum pri Međureligijskom vijeću BiH/projektima međureligijskog dijaloga i saradnje	6	6	0,5
Ukupno:					4 ECTS

ZAVRŠNE ODREDBE

Član 47.

(Naknade za realizaciju stručne prakse)

Posebnom odlukom Upravnog odbora Fakulteta normirat će se iznos naknada:

- (a) članovima Komisije za imamsko-mu'allimsku praksu;
- (b) metodičaru;
- (c) mentorima imamsko-mu'allimske prakse, metodičke prakse i praktikuma u ustanovama/organizacijama.

Član 48.

(Stupanje na snagu Pravilnika)

Ovaj Pravilnik stupa na snagu danom njegovog odobravanja od strane Rijaset Islamske zajednice u Bosni i Hercegovini.


Rijaset Islamske zajednice u Bosni i Hercegovini je na osnovu Odluke broj 05-08-2-2581-3/18 od 31.05.2018. godine je dao saglasnost na Prijedlog Pravilnika o stručnoj praksi studenata Fakulteta islamskih nauka Univerziteta u Sarajevu i potvrdio usklađenost ovih pravila sa Ustavom i drugim općim normativnim aktima Islamske zajednice u Bosni i Hercegovini.

Doc. dr. Nedim Begović,
predsjednik Komisije za izradu normativnih akata
Fakulteta islamskih nauka
Univerziteta u Sarajevu





Prof. dr. Zuhdija Hasanović,
dekan Fakulteta islamskih nauka
Univerziteta u Sarajevu





ISLAMSKA ZAJEDNICA U BOSNI I HERCEGOVINI
RIJASET

Broj: 05-08-2-2581-3/18

Datum: 16. ramazan 1439. h.g.

31. maj 2018. godine

Na temelju odredbe člana 17. i člana 34. Pravilnika o organizaciji i radu Rijasetu, Rijaset Islamske zajednice u Bosni i Hercegovini na svojoj 47. redovnoj sjednici, održanoj u Sarajevu dana 16. ramazana 1439. h.g., odnosno 31. maja 2018. godine, razmatrajući prijedlog Pravilnika o stručnoj praksi studenta Fakulteta islamskih nauka Univerziteta u Sarajevu, na prijedlog Uprave za obrazovanje i nauku, donio je sljedeću:

ODLUKU

Član 1.

Rijaset Islamske zajednice u Bosni i Hercegovini daje saglasnost na Prijedlog Pravilnika o stručnoj praksi studenta Fakulteta islamskih nauka Univerziteta u Sarajevu, usvojen na 20. sjednici Vijeća Fakulteta, održanoj dana 11. aprila 2018. godine.

Član 2.

Pravilnik iz člana 1. ove Odluke usklađen je sa Ustavom i drugim općim normativnim aktima Islamske zajednice u Bosni i Hercegovini.

Član 3.

Ova Odluka stupa na snagu danom donošenja.

Dostavljeno:

- Fakultetu islamskih nauka u Sarajevu;
- ☉ Upravi za obrazovanje i nauku;
- Sekretaru;
- a/a.



Prilog 2 Pravilnika o stručnoj praksi studenata Fakulteta islamskih nauka Univerziteta u Sarajevu

Ime i prezime studenta:

Br. indeksa:

Studijski program:

Način studiranja:

Ciklus studija:

Godina studija:

UNIVERZITET U SARAJEVU
FAKULTET ISLAMSKIH NAUKA
**KOMISIJA ZA IMAMSKO-MU'ALLIMSKU PRAKSU
U MJESECU RAMAZANU**

PREDMET: Prijava na imamsko-mu'allimsku/ mu'allimsku praksu (podvući)

Poštovani,

Prijavljujem se za obavljanje imamsko-mu'allimske/ mu'allimske prakse (podvući) u akademskoj 20___/___ . u muftijstvu

(medžlis i sl.), odn. džematu _____

pod mentorstvom _____

Sarajevo, ___/___/20_____.

Podnosilac prijave:

(potpis)

Prilog 3 Pravilnika o stručnoj praksi studenata Fakulteta islamskih nauka Univerziteta u Sarajevu

.....
(Naziv medžlisa)

.....
(Adresa)

.....
(Kontakt osoba)

.....
(Telefon)

.....
(E-mail)

POTVRDA

o obavljenoj imamsko-mu'allimskoj/ mu'allimskoj praksi u mjesecu ramazanu

kojom se potvrđuje da je student praktikant _____
u ovom medžlisu obavio imamsko-mu'allimsku/ mu'allimsku praksu (podvući) u periodu od
_____ do _____, u ukupnom trajanju od _____ radnih
dana.

Tokom obavezne imamske i/ili mu'allimske prakse, student praktikant je radio na sljedećim poslovima:

Br.	Poslovi i zadaci:	Broj sati	Poslovi i zadaci:	Broj sati
1.	Redovno predvođenje dnevno-noćnih namaza		Ispomoć imamu – povremeno predvođenje dnevno-noćnih namaza	
2.	Redovno predvođenje teravih-namaza		Ispomoć imamu – povremeno predvođenje teravih-namaza	
3.	Redovno mujezinjenje		Povremeno mujezinjenje	
4.	Učenje mukabele (odn. se na mukabelu u teravih-džematima)		Učešće u učenju mukabele (ispomoć imamu)	
5.	Priprema i kazivanje hutbe te predvođenje džuma-namaza		Ispomoć imamu u pripremi hutbe	

6.			Praćenje hutbe s opservacijama	
7.	Priprema i održavanje vazova		Ispomoć imamu u pripremi vazova	
8.			Praćenje vazova s opservacijama	
9.	Priprema i održavanje časova mektepske nastave		Ispomoć mu'allimu u pripremi i održavanju časova mektepske nastave	
10.			Praćenje časova mektepske nastave koje drži mu'allim	
11.	Organiziranje posebnih programa/događanja za omladinu		Ispomoć imamu u organiziranju posebnih programa/događanja za omladinu	
12.	Organiziranje iftara		Ispomoć imamu pri organiziranju iftara	
13.	Organiziranje svečanosti povodom mubarek dana/noći		Ispomoć imamu pri organiziranju svečanosti povodom iftara/mubarek noći	
14.	Posjete kućama džematlija			
15.	Posjete bolesnicima, starijim i iznemoglim osobama, socijalno ugroženim pripadnicima džemata			
16.	Posjete s ciljem pridobijanja novih članova džemata			
17.	Učešće u organiziranju dodjele humanitarne pomoći džematlijama			
18.	Nastupi pri lokalnim/regionalnim medijima ¹			

Datum izdavanja potvrde

Ime i prezime, funkcija

M. P.

¹ Dopuniti po potrebi aktivnosti koje nisu izričito navedene, a obavljao ih je student praktikant u okviru prakse.

Prilog 4 Pravilnika o stručnoj praksi studenata Fakulteta islamskih nauka Univerziteta u Sarajevu

EVALUACIJA MEDŽLISA U KOJEM JE REALIZIRANA IMAMSKO-MU'ALLIMSKA/
MU'ALLIMSKA PRAKSA U MJESECU RAMAZANU OD STRANE STUDENTA
PRAKTIKANTA

Ime i prezime studenta	
Broj indeksa	
Studijski program	
Ciklus studija	
Godina studija	
Način studiranja	
Akadska godina	

Naziv medžlisa u kojem je obavljena imamsko-mu'allimska/mu'allimska praksa	
Grad i država	
Džemat	

Br.	Pitanje	Ocjene (1- 5) N – Nije primjenjivo
1.	OPŠTI UTISCI O MEDŽLISU	1 2 3 4 5 N
1. 1.	Medžlis je očigledno prilagođen za prijem praktikanata/praktikantice	1 2 3 4 5 N
1.2.	Atmosfera u medžlisu je bila profesionalna	1 2 3 4 5 N
1. 3.	Prihvatio bih trajno zaposlenje u ovom medžlisu	1 2 3 4 5 N
1. 4.	Preporučio bih ovaj medžlis i drugim praktikantima/praktikanticama	1 2 3 4 5 N
1. 5.	Praktikanti su ohrabreni da postavljaju pitanja i/ili daju svoja mišljenja i prijedloge	1 2 3 4 5 N
1. 6.	Imao sam redovne sastanke sa mentorom	1 2 3 4 5 N
2.	OPŠTI UTISCI O OBAVLJENOJ PRAKSI	
2. 1.	Dobivao sam odgovornost u skladu sa rastućim sposobnostima i iskustvom	1 2 3 4 5 N
2. 2.	Posao koji sam obavljao bio je izazovan i stimulirajući	1 2 3 4 5 N
2. 3.	Komunikacija sa osobama u medžlisu bila je na visokom nivou	1 2 3 4 5 N

2.4.	Prema meni su se u medžlisu odnosili kao prema zaposleniku	1 2 3 4 5 N
2.5.	Bilo je mnogo prilika za učenje	1 2 3 4 5 N
2.6.	Praksa mi je pomogla da spoznam svoje prednosti i mahane	1 2 3 4 5 N
2.7.	Ovo iskustvo dalo mi je realističan prikaz mog područja interesovanja	1 2 3 4 5 N
2.8.	Znanja stečena tokom studija bila su mi od koristi za obavljanje zadataka koji su mi povjereni na praksi	1 2 3 4 5 N
2.9.	Osjećam da sam bolje pripremljen za ulazak u profesionalni svijet nakon ovog iskustva	1 2 3 4 5 N
3.	RAZVOJ I UNAPRIJEĐENJE VJEŠTINA	
3.1.	Mentor mi je pružio adekvatan trening	1 2 3 4 5 N
3.2.	Nakon obavljene prakse, ja bolje razumijem teorije i vještine vezane za moju studijsku oblast	1 2 3 4 5 N
3.3.	Tokom prakse imao sam priliku da razvijam interpersonalne vještine	1 2 3 4 5 N
3.4.	Tokom prakse imao sam priliku da razvijam svoje vještine usmenog komuniciranja / prezentiranja	1 2 3 4 5 N
3.5.	Tokom prakse imao sam priliku da razvijam svoju sposobnost rješavanja problema	1 2 3 4 5 N
3.6.	Tokom prakse imao sam priliku da razvijam vještine kritičkog razmišljanja	1 2 3 4 5 N
3.7.	Praksa mi je pomogla da upoznam timski rad	1 2 3 4 5 N
3.8.	Praksa mi je pomogla da unaprijedim svoje upravljanje vremenom	1 2 3 4 5 N

4. DODATNE NAPOMENE STUDENTA – PRAKTIKANTA U NARATIVNOJ FORMI

--